

OBAVJEŠTENJE O NAČINU ODLAGANJA OTPADA U KONTEJNERE I PREUZIMANJA ISTOG

Obavljajući svoje redovne poslove iz oblasti komunalne higijene od strane uposlenika Općine i JKP "Radnik" uočene su česte pojave nepravilnog i neovlaštenog odlaganja otpada od strane nekih građana i pravnih lica, a što se prvenstveno odnosi na čvrsti i građevinski krupni otpad, otpad iz vrtova, parkova i bašta.

MOLE SE GRAĐANI I PRAVNA LICA DA SE PRIDRŽAVAJU SLJEDEĆEG:

Na osnovu općinske Odluke o komunalnom redu u kontejnere se odlaže samo kućni otpad koji se po svojoj veličini i obimu može odlagati u propisane posude za privremeno odlaganje otpada - kontejneri.

Krupni otpad: kućni aparati, pokućstvo, sanitarni uređaji i drugo treba da se iznosi iz stanova, zajedničkih prostorija i poslovnih objekata zadnje nedjelje u mjesecu na lokalitete kontejnera, a komunalno preduzeće krupni otpad preuzima narednog dana – u ponedjeljak, a ako je tada praznik ili neradni dan, ovaj se otpad odlaže narednog vikenda.

Građevinski otpad (ostatci betona, cigle, keramičkih pločica stolarije i sl.) kao i poljoprivredni otpad (trava, granje, drveće i sl.) zabranjeno je odlagati pored kontejnera. Preuzimanje ove vrste otpada se posebno plaća. Za informacije o načinu preuzimanja i deponovanja otpada nazovite JKP "Radnik" doo Zavidovići na telefon broj 870-441.

Zabranjeno je prekopavanje, prebiranje i rasipanje smeća iz kontejnera, kao i paljenje smeća u kontejnerima i odlaganje vrućeg pepela u iste. Odlaganje kutija od kartona iz prodavnica ili od strane fizičkih lica nije zabranjeno, ali molimo iste da, kada imaju potrebu za odlaganjem istog, obavijeste komunalno preduzeće u vremenu od 07 – 14 sati radnim danom, a u roku od 1 sata će doći neko iz preduzeća i preuzeti isto.

Komunalno i sanitarna inspekcija će preduzimati mjere u okviru svoje nadležnosti u skladu sa propisima koji regulišu ovu oblast. Novčanom kaznom od 50,00 do 2.000,00 KM kaznit će se za prekršaj preduzeće, ustanova ili drugo pravno lice, koji se ne pridržavaju odredbi Odluke o komunalnom redu (Čl. 150. i 152. Odluke), a za isto kaznit će se i nesavjesni građanin kaznom od 10 – 200 KM.

Molimo građane da pojavu kršenja odredbi o načinu odlaganja otpada i druge pojave koje narušavaju komunalni red i higijenu prijave na telefon broj 879-092.

JKP "RADNIK" doo ZAVIDOVIĆI

OPĆINA ZAVIDOVIĆI